

# 日本漢文學百家集

456

王焱 編



YSP  
北京燕山出版社

王焱 主編

日本漢文學百家集  
456



北京燕山出版社

第四五六册

熙朝詩薈 卷二十八至卷三十四 友野霞舟 編 弘化四年……一

熙朝詩薈

二十八之三十一



照朝詩薈卷第二十八目錄

松下見櫟 九首

藤江熊陽 二首

木村之漸 四首

奧田士亨 十九首

長嶋有秋 十首

小野士厚 二首

唐金興隆 十首

林義端 二首

瀨尾維賢 十九首

佃名寧幹 一首

福間隆廉 二首

林三折 一首

水津壽全 一首

松井元規 三首

松井元泰 一首

大井守靜 三首

熙朝詩薈卷二十八

江都 友野璵 子玉韓

松下見櫟

字子節號真山京師人受學於伊藤垣菴篤志  
博綜尤好著述

江村綬君錫曰余家藏子節詩若干氣骨沈雄  
翹々一時書法亦蒼勁而潤美

錦天山房詩話真山詩名不甚著然頗有氣魄  
如咏鷹詩雄渾悲壯當於古人中求之

暮春偶成

讀書春晝永階面艸如茵花落猶留客鶯啼不恠人疎  
簾通遠岫微雨浥輕塵茅粟生涯淡風吹烏角巾

東維文敦素二老

山濤出仕劉伶醉衮衮是非歸白頭取友非無車笠約  
役身未免稻粱謀柴荆有客自開徑蒲柳如吾不耐秋  
瑣々雕蟲幾人誤同君欲逐白雲遊

次韻月潭師遊積翠齋

百頃風潭魚縱游濠梁興致共夷猶綠苔石上或留屐  
紅葉堆頭不繫舟炉外煖回小春日画中人倚夕陽樓  
交情莫必分縑素一片青山我所求

實心繫院一品大法王挽詞

寶車一日岱宗遊  
龍去仙踪何處求  
遺愛名花春有恨  
滿前寒艸雪添愁  
二王以上高風致  
三杜之間相匹儔  
詞翰空留千載觀  
佳城鬱鬱闕新丘

秋夕同賦長笛一聲人倚樓

空外傳音玉笛清  
梅花楊柳未分明  
曾聞踞岸猶三弄  
何事倚樓惟一聲  
霜露寒光孤雁恨  
關山月色旅人情  
徘徊徒惜不終曲  
滿地悲風夜幾更

次韻酬用拙詞丈見寄

玄髮朱顏不足誇  
山寒水逝老年華  
銅駝坊底十年酒

長者街頭頃刻花凡骨無由上仙府  
踈材豈可容王家  
談筵到處逢人說  
但道項斯詩力加

呈朝鮮南泛叟

貴邦奚翅山河美  
籍以人才皆絕倫  
名壤雄圖開八道  
流風善政自三仁  
波濤不隔敦修使  
冠佩初知專對賓  
何患歸期向窳臚  
輶車到處欲生春

鷹

齊野玄霜楚澤冰  
十分猛氣正騰以  
目中今已無凡鳥  
天外常思制大鵬  
利爪幾徑紅血戰  
奇毛深入白雲層  
誰言一飽即颺去  
左指右呼憐爾能

藤江熊陽

名平介仁齋門人仕賜坂候

荅播州明石

有周宗室漢藩屏閩外領兵油幕青金甲日浮秋照海  
玉駢夜躍月盈庭仙才時草陳琳檄客禮仍繙董子經  
聞道霧帆過絕島豪吟應上大夫亭

同韻赤石咏古 原四首

連營万里入雲屏海氣寒回戈影青玉笛曲闌悲夜月  
梅花戰罷滿山庭錦囊留草憐忠度鍊嶺縣軍嘆義經  
惆悵翠華春不返榛荆無處問宮亭

木村之漸

字原進号鳳梧又號兼山近江人事伊藤東涯  
寓古義之塾二十餘年寬保中因東睿法王  
之薦徵為紀藩儒職明和己丑卒歲七十六為  
人淳謹篤信師說東涯沒後校正其書者多矣

贈芥河國子扈 准后大王駕東歸

家世稱三折青囊時後方遠遊陪崔駕留滯寄禪房清  
興壺觴酒高談風雨床不堪分手去雲樹路范々

次足代立溪遊清間寺韻

路徑清水寺南微山屐登々趁晚歸殿古浮嵐侵佛坐

龕函空翠潔僧衣  
鼎湖煙鎖哀音絕  
梧野雲埋祀事稀  
御愛猶餘紅華色  
帝魂應向此中歸

寄澤長照

遙憶翩翩江左方  
衡門蕭索鎖蒿萊  
尋幽偶到前朝寺  
吊古時登舊霸臺  
明月吟中與霜淨  
青山夢裡帶雲堆  
踟躕搔首秋風晚  
懷抱向君幾日開

寄江三英

吹笙何處倚層臺  
夜々相思首屢回  
藥州滿山春雨秀  
無由携手入天台

奧田士亨

字嘉甫號蘭汀又號南山又號三角亭稱宗四  
郎伊勢櫛田人幼時就表叔柴田蘋洲學蘋洲  
嘗謂曰讀書宜師天下第一人當今之世京師  
伊藤原藏即其人也汝可往而學於是負笈遊  
東涯門親炙十年殆入其室乃擢仕津候謹慎  
勤事歷事四君五十年未嘗有過候皆眷注甚  
渥老年致仕後時招見之呼曰先生不名性剛  
直不能屈物而孝友純至享保乙卯年三十三  
喪父明年東涯歿為絕酒肉服心喪者合四年  
賦質謙讓年七十七恐及身後人之撰諛墓之

文於是建壽碣自紀履歷其銘曰起于田間升  
中廳直何以得之誓古之力年八十一而卒著  
有三角集

原善公道曰三角集文二卷每卷首題奧田士  
亨著詩三卷每卷首題掃水燕倉著掃水燕倉  
不知何謂也而近聞其說伊勢有櫛田川三角  
居近之因曰掃水而奧田反燕士亨反倉不其  
見署姓名者抑有故南郭始刻其集初編也入  
江南溟以為古人集皆及死後人傳之也至其  
身自鏝之梓則可笑甚也乃通書于三角以辨

之三角答書和南溟俱駁南郭既而世生前鏤  
其詩文者漸多人亦稱為盛事三角心羨之遂  
自刻其集然耻前言至詩集則用隱名

鹿關

離國輕千里此行意可憐海空天欲盡路嶮巖相連袂  
重雨中客聲悲雲外鷓躑攀經鳥道眺望思悠然

投宿西教寺席上呈際上人

偶來江畔寺信宿細論文湖色娟浮月山容聳起雲厚  
情如舊識清話吐奇芬聆了妙圓理恍然出世氛

同賦邊夜